



# POL

## TANA!




Kwentu buy Gulis nan: Richard D. Payawal  
Mamilikas Sabi: Madonna A. Valencia  
Mamisurin Sabi: Robert S. Valencia  
Mamisuri: Ruby M. Jimenez PhD  
Lapat Ian: Jacqueline E. Libut  
Erwin H. Iruma









*Layi sa Pamakamuwang*

- *Masabi ya batayan na impurmasyon patungkul sa sarili: ngalan, mani tuwa, kalluan, taun, pagpaydyanana, pag-aralan, buy pamakabalay mani katangian bilang Pilipinu APINAT-IaI*





## DEVELOPMENT TEAM

**Kwentu buy Gulis nan:** Richard D. Payawal

**Mamilikas Sabi:** Madonna A. Valencia

**Mamisurin Sabi:** Robert S. Valencia

**Mamisuri:** Ruby M. Jimenez PhD

**Lapat Ian:** Jacqueline E. Libut

Erwin H. Iruma

**Learning Resource Manager:**

Ruby M. Jimenez PhD

*Education Program Supervisor*

*Learning Resources Management and Development Section*

## PAMPANGA




# POL

## TANA!





“Siku si Apolinario Roman L. Puno.” Biglan nangkayli ya mani kaklasi ku anyan nagpakilala siku. Asê yaman nagêmpang nga yaming ku. Ayin êt dinat ta lupa ku. Ot ala mapigil ya pangkayli la?







APOLINARI  
ROMAN



“Kalagyu muy apu ku!” lawêg gisa kun kaklasi. “Awu, paran lagyun tuwa!” lawêg êt gisa. “Katuway na!” matarêt taman sabin ka atag buy mangkaylin malakas.









A kaparisun kangku, ya mani lagyun kaklasi kuy tunuy bayu. Tunuy masampat. Tunuy ubat atag bansa. May Angelica Mae, Jennifer, Carol Anne, Vanessa, Rubilyn, Samantha, Patrick, Christian, Kevin, James, Dave, at Louie.





CAROL  
ANNE

JAMES

ANGELICA  
MAE

JENNIFER

DAVE

PATRICK

KEVIN

SAMANTHA

VANESSA

RUBILYN

LOUIE

CHRISTIAN



Allu-allu, bayu magsimula  
ya Mestara yan gisa-gisa nan  
pambêgên na mani lagyu yan.  
Ustun pambêgên sikuyna, naka  
êlew silay nan kaganawan kangku.  
Paran *spring* nga bêng la buy paran  
*speaker* ya têk la.







APOLINARIO  
ROMAN



Biglay na êt mangkayli ya kaganawan kaklasi ku. “Gana matarêt!” insabin Mestara yan pamaka ubat nan bêgên na lagyu ku. Agad daman nanlêngê ya mani kakalasi ku. Biglan natas sa malakas sa kayli buy tarêt la.









Nam-in pandaygên sa bali ya mestara yan. “Tikapên buy isulat yu sa papil ya kwentu tungkul sa lagyu yu buy sabin na ati wasak sa kalasi,” insabin mestara. Bigla sikun nalimun sumun wasak.





Tikapên buy  
isulat yu sa papil  
ya kwentu tungkul  
sa lagyu yu.





Sanay pwedin palitan na lagyu  
ku. Mark tana kaya? O kayay Ricu.  
Pol tana? Pol tana amen mangêd  
panlêng-ên a kaparisun  
Apolinario Roman.







APOLINARIO  
ROMAN



Nu Pol ya lagyu ku, asikuyna pan  
lawgên mani kaklasi ku. Madyag  
tunuy sikat. Para bida sa palabras sa  
tibi ya paburitun pang albayên  
ustun kaawat.









Pamakauli sa bali, nanyag miryenda si Indu. Inlumapit siku kana buy nagpatang. "Indu, pwedin Pol tana ya lagyu ku? Akuy na labay ya Apolinario Roman."









Nakun sala ya Indu na buy kinwa na ya gisay kawun. “Maku ka di, dilag sikun ipakit kamu,” insabin Indu. Nanggiling sikun naku kan indu.









Impakit Indu ya letaratu la buy si Bapa anyan kinasal sila. Paran masaya sila sa allun abitu. "Sika ya bungan pamikaidu yan buy bapa mu," mangkaylin insabin Indu kangku.











“Labay yan madyag ispisyal  
ya lagyu mu. Kabay yaman  
piawyunan yan ya lagyu kun  
‘Rosario’ buy lagyun bapa mu ya  
‘Arman’,” insabin Indu. “Baydu  
nagubat ta Roman,” mangkaylin  
insabi na.










Masaya siku sa nalêngê ku.  
Intrisadu siku sa natandan ku.  
Paran akuya talagan labay ya  
lagyu kun Apolinario. “Malyari  
nayin Pol Roman tana ya maging  
lagyu ku?” impilit ku kan Indu.










Kinwan Indu ya gisay litaratun  
Bapa ya nakadani sa gisay ribultu.  
“Sabêta abin na Indu?” nagtaka  
siku kaban naka êlêw sa litaratu.  
“Ati ya labay-labay bayanin  
Bapan Arman mu?” insagut Indu.









“Bayaniy indu?” impatang kun manguman. “Awya. Abin si Mabini,” insagut Indu. “Adyan aya makabita, a naging adlang kanan ipagtanggul la bayan tamu,” indagdag Indu.










“Adyan naman masakit ta biyay, katanda buy masipêg sa pag-aral si Mabini,” kwentun Indu. “Abaytu ya labay yan makwa mu kanay, anak.” “Awya, labay kun magin kaparisu na,” insagut ku kan Indu.










“Apolinario Mabini ya buun lagyu na.” Nag ukdu ya pusu ku sa sinabin Indu. Akuya dapat alud ikarêng-êy ya lagyu ku gawan ubat ta ati sa mangatwa ku buy sa gisay bayani.










Pamakawasak, ya tarit buy kayli  
ya dati kun malêngê pamakayarin  
sabin na lagyu ku, napalitan  
palakpak ubat sa mani kaklasi  
ku. Natulatulay kaganawan buy  
umanga sa kwentun lagyu ku.







APOLINARIO  
ROMAN









# APOLINARIO ROMAN

PATUNGKUL HA MAIN-AKDA, MAMILIKAS SABI, MAMISURIN SABI,  
MAMISURI, TAGA-GULIS, BUY MAMILAPAT

RICHARD D. PAYAWAL:

Kasalukuyan manure sa  
Pasig National High School  
Pasig, Candaba, Pampanga  
bilang Teacher III

MADONNA A. VALENCIA:

Kasalukuyan manure sa  
Nabuclod Elementary School  
Nabuclod, Floridablanca, Pampanga  
bilang Teacher I

ROBERT S. VALENCIA:

Indigenous People (IP) Elder  
Camias, Porac, Pampanga

RUBY M. JIMENEZ PhD:

Education Program Supervisor - LRMSD  
Schools Division Office of Pampanga

JACQUELINE E. LIBUT:

Kasalukuyan manure sa  
Guagua Elementary School  
Santa Filomena, Guagua, Pampanga  
bilang Teacher III

ERWIN H. IRUMA:

Kasalukuyan manure sa  
San Basilio High School  
San Basilio, Santa Rita, Pampanga  
bilang Teacher III



Ustun pambêgên sikun Mestara  
paratin mangkayli ya mani kaklasi  
ku. Aku tanda nu ata sabêt ta idi sa  
lagyu ku. Ata sabêt kaya? Abin na  
impatang ku kan Indu.

